


IN LABORE REQUIES  
 S I V E 34-7-B-19 -  
 DE S. SPIRITUS  
 A D V E N T U.  
 O R A T I O.

Habita in Sacello Pontificio  
 AD SANCTISSIMUM DOMINUM NOSTRUM  
 CLEMENTEM XI.  
 PONT. MAX.

A COMITE ALBERTO DE LANNOY CANON. GANDAVENSI  
*Seminarii Romani Convictore.*



ROMÆ MDCCX. Apud Josephum Nicolaum de  
 Martiis, Propè Templum S. MARIE PACIS.



# CLEMENTI XI.

## PONT. MAX.

ALBERTUS DE LANNOY,

FELICITATEM.



Q UOD proprium est,  
 ac peculiare Divini  
 Spiritus REQUIES  
 IN LABORE, tuum  
 adeò esse intelligimus B. P. ut nihil ma-  
 gis Dei te vices apud homines gerere  
 nobis ostendat. Dei siquidem (si Au-  
 gustino credimus) hæc est natura, ut sit  
 agens semper, semper quietus. Et  
 sanè, ex quo humeris tuis Christianus

*D. Aug.  
cap. 10.  
manual.*

A 2

Or-

Orbis insedit , tantâ semper animi  
tranquillitate ad illius custodiam la-  
borasti , ut laborem tibi quodammodo  
in naturam vertisse videaris : imita-  
tus cœlestia corpora , quæ jugi vertigi-  
ne agitata motu perpetuo gaudent , in  
quibus tamen quidquid laborem voca-  
mus , natura est . Inde fit , ut Princi-  
pem in nostrâ procurandâ felicitate  
semper laborantem , in nobis excipien-  
dis , quasi vacuus omnino esset , & otio-  
sus , promptissimum experiamur . Ita  
æquè omnibus prodes , & cum laboras , &  
cum quiescis . Redditur propterea  
tibi , non exhibetur mea hæc qualiscum-  
que oratio , mores siquidem tuos ita  
complectitur , exprimitque , ut inter tuas  
imagines nulla sit verior , similior nul-  
la . Faxit itaque Deus , ut , quæ uberem  
laboribus tuis materiem præbet , quiete  
etiam tuâ , afflicta tandem Europa  
perfruatur .



# IN LABORE REQUIES

S I V E

# DE S. SPIRITUS

# A D V E N T U

O R A T I O.



AC lege nascimur, hac lege vivimus B. P. ut laboremus. Ex infelici Parente, nihil infelicioribus filiis reliqui fuit, nisi Patrimonium calamitatum. Hinc nihil nobis optabilius, jucundius nihil, quam quies, quæ tunc maxime cum abest, incredibile sui excitat desiderium. At unde isthæc petatur? E terra? At in laboribus ex ea comedere coacti sumus. Ab amicis? At hi non permanent in die tribulationis. A divitiis? At laborat

Job. 3. 7.

Gen. 3. 7.

Eccl. 6.

8.

borat

*Eccel. 31.* *borat dives in congregatione substantia.* Fortasse  
3<sup>a</sup> in nobis, quæ extra nos frustra quæritur, quies reperietur. Immo verò domesticis perturbati animi tumultibus adeo sumus inquieti, ut ipsa nobis quietis inquisitio sit laboriosa. Hodierna tandem luce Divinus Spiritus optatam nobis é celo quietem attulit: futurus ipse nobis, ut scitè canit Ecclesia, **IN LABORE REQUIES.**

*Att. A.* *in tanto Cœli tumultu?* An vero ignoras *factum.*  
*post. 2. 2.* *repente de Cœlo sonum, tamquam advenientis spiritus vehementis?* Nonne vides quietos antea Ecclesiæ Senatores accepti spiritus agitatione correptos? Nonne audis ignotis ubique vocibus inclamantes? Hanc tu quietem vocas, non exteris modò, sed civibus, non privatis tantum, sed regibus odiosum fieri, & omnibus inimicum? Video jam quorsum hæc spectent. Fingitis vobis, qualem fortasse optaretis, quietem sine labore. Sed frustra est. Veniat vobis in mentem Adam parentem nostrum à Deo non alia lege in ipsa quietis sede collocatum, nisi *ut operaretur.* Vos verò *in terra cui maledixit Dominus* quietos omnino fore existimatis? Alia post laborem requies vos manet: alia in labore: utraque ab eodem Spiritu, tamquam duplex ex eadem radice ramus proficiscitur: hæc tamen exilii est, illa patriæ: hæc tumultus amat, illa averfatur: hæc labores facit jucundos, illa nullos. Quinam igitur  
requies

requies hæc in labore diceretur, nisi esset labor? Vehemens quidem, & quodammodo in speciem turbinis Divinus è Cœlo Spiritus hodie descendit, *sedit tamen idem ipse supra singulos eorum*, stabilem singulis sub laboris specie quietem relicturus. An verò non reliquit? Laborabant profectò Apostoli accusati, traducti, conviciis appetiti, in custodiam traditi, ad pœnas, ad necem destinati: *ibant tamen gaudentes à conspectu concilii* non quiete tantum, sed incredibili lætitia perfruentes.

Act. 1.  
post. 2. 3.

Act. 1.  
post. 5.  
41.

Esa. 10.  
27.  
D. Greg.  
in hunc  
locum.  
Psal. 93.  
18.

Nobis etiam quàm graviter in iugo Divinæ legis perferendo esset laborandum, nisi hoc, Divini Spiritus oleo inunctum computruisset. *Fingit Deus laborem in præcepto*, sed dum a nobis jubet amari, quietem offert: nam, ut cum Augustino loquar, qui amat, hoc est qui legem implet, non laborat. Laborant quidem impii, & quod mireris, laborem suum quietem vocant, sed reprehendit illos cor eorum, quod *quasi mare fervens quiescere unquam non potest*, & procelloso intumescantium fluctuum fragore ad illorum aures illud ingeminat. *Tranquillitas ista Tempestas est*. Vobis vero qui sponte Divinæ legis oneri collum subiicitis, nonne amodò *spiritus dicit ut a laboribus requiescatis*? Constans illa conscientix tranquillitas, inter hujus vitæ procellas: pax illa animi inter durissimos militiæ hujus labores, quid aliud, rogo vos, quid aliud facit, nisi *ut quieti sitis, & negotium vestrum agatis* in ipso

Esaie  
57. 20.  
D. Hieron.  
in hunc locum

Apocal.  
14. 13.

Job.

1. Thes.  
1. 4.  
11.

Matth.  
3. 17.

otio negotiosi ? Hoc est, quamobrem idem Spiritus apud Jordanem Columbæ speciem olim induerit : quemadmodum enim hæc, liquidum cœli iter ingressa, citissimo cursu aerem radit, celeres neque commovet alas, ut laborare in quiete, in labore quiescere videatur : ita ille, qui in se ipso *requievit ab omni opere quod patrarat*, labores nostros quiete temperat sua. Columbæ hujus pennas, cum in *exercitatione sua contristaretur* optavit sibi regius Psaltes, non ut labores omnino depelleret, sed ut mulceret. *Volabo inquit volabo, & requiescam.*

Gen. 2. 2.  
S. Augustinus.

Psalm.  
54. 6.

Sperandum igitur etiam nobis, ut in tanta Europæ totius perturbatione, optata tandem quies affulgeat beneficio Divini Spiritus, qui, licet igneas, quasi fulmina modò induat linguas, assumet iterum Columbæ speciem, ut pacificum oleæ ramum ad afflictos deferens populos fiat omnibus constans IN LABORE REQUIES.

